

# DIPALOPALO TSA LEKGETHO TSA 2018

**Pretoria, 20 Tshitwe 2018** - Lefapha la Naha la Matlotlo le Ditshebeletso tsa Lekgetho tsa Afrika Borwa ba phatlaladitse kgatiso ya 11 ya selemo ka seng ya Dipalopalo tsa Lekgetho.

Phatlalatso ena ya 2018 e fana ka kakaretso ya pokello ya lekgetho mmoho le lesedi la kgutliso ya lekgetho ya dilemo tsa ditjhelete tsa 2014 ho isa ho sa 2017 mmoho le dilemo tsa ditjhelete tsa 2013/14 ho isa ho tsa 2017/18.

Ka 2017/18, lekgetlo la pele haesale ho tloha ka qomatsi ya tsa ditjhelete ya lefatshe ka bophara ya 2008, kgolo ya pokello ya lekgetho ha ya feta kgolo ya GDP. Dintlha tsa bohlokwa kgatisong ena ya 2018 ke tsena:

- Lekgetho le bokelletsweng e bile R1 216.5 billion, ena e bile kgolo ya selemo le selemo ya R72.4 billion (6.3%) eo boholo e tsheheditsweng ke Lekgetho la Lekeno la Batho ka bomong, le ileng la hola ka R37.0 billion (8.7%):
  - Lekgetho la lekeno la batho ka bomong (PIT) ka 38.0%, Lekgetho la Lekeno la Kgwebo (CIT) ka 18.1% mme Lekgetho la Boleng bo ekeditsweng (VAT) ka bokaofela ba lona le dutse e le mohlodi o moholohadi wa pokello ya lekgetho o ka bang 80.7% ba paloyohle ya dipokello tsohle tsa lekgetho.
  - Ho sa natswe maemo a boima a ikonomi moo Tlhahiso ya Kakaretso ya Naha (GDP) e nyolohetseng feela ho tloha ho 1.3% le 7.0% ka ho fapana, palohare ya Lekgetho-Papisong-le-GDP e fokotsehile hanyane ho tloha ho 25.9% ka 2016/17 ho isa ho 25.8% ka 2017/18.<sup>1</sup>
- Kgaolong ya 2: Lekgetho la Lekeno la batho ka bomong (PIT), manollo ya dihlahlobo tsa palo ya setjhaba le bodulo ba balefalekgetho ba ileng ba hlahlojwa ka nako ya mafelo a Phuptjane 2018 e bontshitse diphetho tse itseng tse bakang thahasello:
  - 2 678 743 (54.7%) ya balefalekgetho ba hlahlobilweng ke balefalekgetho ba banna ha ba 2 219 822 (45.3%) e le basadi.
  - 1 331 419 (27.2%) ya balefalekgetho ba hlahlobilweng ba bile dilemong tsa 35 ho isa ho 44; mme
  - 1 966 744 (40.1%) ya balefalekgetho ba hlahlobilweng ba ngodisitswe Gauteng, moo ba 629 113 ba dulang Johannesburg Metro mme ba ile ba lefisiwa lekgetho la palohare ya lekeno la R446 838.
- Dipalopalo Kgaolong ya 3 e mabapi le Lekgetho la Lekeno la Kgwebo (CIT) di bontsha hore 24.2% ya dikhampani tse 768 687 tse hlahlobilweng ka la 30 Phuptjane 2018 bakeng sa selemo sa lekgetho sa 2016 di bile le lekeno le letle le lefisiwang lekgetho. 48.3% e nngwe e bile le lekeno le lefisiwang lekgetho le lekanang le ha ho letho (zero), ha 27.4% e setseng e tlalehilwe e le tahlehelo e hlahlobilweng;
- Dipokello tsa Net VAT e bile paloyohle ya R298.0 billion mme di hodile ka R8.8 billion (3.1%) papisong le selemo se fetileng. VAT ya Lehae, ebile bokaalo ba R336.3 billion mme ya hola ka R14.8 billion (4.6%), yona ebile tshusumetso e kgolo ya bokaofela ba kgolo ya net VAT. Dipokello tsa thomellokahare ya VAT e bile paloyohle ya R152.8 billion mme di hodile ka R3.5 billion 2.4%. Dipusteso tsa VAT e bile R191.1 billion mme tsa hola ka R9.5 billion (5.2%).

- Kgaolo ya 4 e bontsha hore ka 2017/18, 76% ya barekisi ba VAT e ne e le dikhampani kapa dikoporasi tse kwetsweng. Bona ba bile le kabelo ya 92.0% ditefong tsa VAT ya Lehae mme tsa ba le kabelo ya 89.8% ya dipusetso tsa VAT. Le ha batho ka bomong ba bona (bao e leng borakgwebo ka bobona) e bile 18.4% ya barekisi ba VAT, ba bile le kabelo ya 3.1% ya ditefo tsa VAT ya Lehae mme ba fumana dipusetso tsa VAT tsa 1.5%.
- Ka mora ho ba le kwelotlase ya dipokello ka 2016/17, VAT ya Thomellokahare le Dikgafa tsa Bolaodi ba Meedi di bontshitse ho iphumana hape ka 2017/18, ho latela ka moo ho hlalositse teng Kgaolong ya 5. Tsona e bile 12.6% le 4.0% ya paloyohle ya Pokello ya Lekgeho ka ho fapana; sena se bakile bokaofela ba 16.6%, e leng palo e ka tlase ho 18.3% ya setlwaedi ya dilemo tse hlano tsa pele ho mona. Kabelo ya makgetho ana papisong le GDP le yona e ile ya honyela ka 4.2% ho tswa setlwaeding sa dilemo tse hlano tsa ho feta sa 4.6%, moo VAT ya Thomellokahare e tlalehileng 3.2% mme Dikgafa tsa Bolaodi ba Meedi e bile 1.0% bakeng sa 2017/18.
  - VAT ya Thomellokahare ho tswa makaleng a ka hodimo a nang le kabelo ikonoming a bile le 88.0% hodima paloyohle, ana ke makala a Wholesale and Retail Trade, Catering and Accommodation (Tertiary) ka 39.6%, mme le latelwe ke lekala la Manufacturing (Secondary) ka 30.2% le la Financial Intermediation, Insurance, Real-Estate and Business Services (Tertiary) ka 18.1%.
  - Sekgahla sa kakaretso sa Dikgafa tsa Bolaodi ba Meedi ka 2017/18 e bile 3.2% papisong le sa ngwahola sa 3.0%. Disebediswa tsa bohlokwa tse bileng le dikgahla tse hodimodimo tsa Dikgafa ebile Footwear and Accessories ka 22.9%; Hides, Skins and Leather ka 18.0%; Textiles and Clothing ka 16.0%; Food, Beverages and Tobacco ka 11.8% mmoho le Vehicles, Aircraft and Vessels ka 8.2%.
- Qetellong, Kgaolo ya 6: Makgetho a mang le Dipokello di fana ka lesedi la makgetho a kang a Kuno e entsweng ka mora thekiso ya Dithoto (CGT), Kgafa ya Phetiso, Royalthi ya dimenerale le petroliamo (MPRR), ditefo tsa SACU le dipusetso tsa Disele. Ka 2017/18, ho ile ha ba le R17.6 billion ya CGT eo R10.0 billion ya yona e bileng ka lebaka la batho ka bomong mmoho le ditherasete le R7.6 billion ya dikhampani. Sena se bontsha keketseho e seng kae ya R0.6 billion (3.3%) hodima R17.1 billion e fumanweng ka 2016/17. Ke bokaofela ba R124.8 billion bo seng bo fumanwe haesale hoba ho qalwe ka CGT ka Mphalane wa 2001.

Ditokomane tsa Dipalopalo tsa Lekgetho tsa 2018 di fumaneha websaeteng ya SARS le ya Lefapha la Naha la Matlotlo e leng [www.sars.gov.za](http://www.sars.gov.za) le [www.treasury.gov.za](http://www.treasury.gov.za)

Ka bobedi SARS le Lefapha la Naha la Matlotlo re ananela maikutlo le ditlhahiso tsa setjhaba mabapi le ho ntlafatsa tshebediso ya phatlalatso ena ka tekolo ya leano le ho ntshetsa pele menahano e metjha e mabapi le dintlha tsa phedisano le ikonomi Afrika Borwa. Tsena di ka romelwa ka imeile ho [taxstatistics@sars.gov.za](mailto:taxstatistics@sars.gov.za).